



PVRPVRAM ACADEMICAM
SERENISSIMO PRINCIPI

AC DOMINO

DN. IOHANNI
WILHELMO,

DVCI SAXONIAE, JULIACI, CLIVIAE
AC MONTIVM, LANDGRAVIO THVRINGIAE,
MARCHIONI MISNIAE, PRINCIPALI DIGNI-
TATE COMITI HENNEBERGAE, COMITI
MARCAE ET RAVENSBURGI, DYNA-
STAE RAVENSTEINII, &c.

PRINCIPI AC DOMINO SVO
CLEMENTISSIMO,

DEVOTISSIMA MENTE

GRATVLATVR

SVBIECTIONIS FIDE DEVINCTISSIMVS

IO. PAVLVS *Sebenstreit* / Prof. P. Ordin.

JENAE,

LITERIS IOAN. ZACH. NISL.



alve delictum secli, Phœbique voluptas,
Noster amor salve, magnum decus addite monti
Aonio, salve Musa tutela labantis
Inclite Mæneas, salve mitissime PRINCEPS.
Prò superi, quanti fremitus, quantive sonantes
Se produnt plausus, quæ passim gaudia surgunt!
Non, mihi centenis resonent si vocibus ora
Victricemque mihi tribuat facundia palmam,
Hos incredibiles applausus totque triumphos
Enarrare queam. Primum DVX optimus, illud
Europa pralustre jubar, Celsissimus Heros
TYTOR, Pieridum columen jam gaudia sentit:
Tendit in amplexus latos & dulcia libat
Oscula tam grandi Decoris. Quòd sceptræ capessas
Fulgida, quòd rutilum sumas felicibus ostrum
Auspiciis, gaudet. Trabea, subsellia, fascës,
Purpura, Phœbei quæ sunt insignia regni,
Æmula dicuntur decoris regalis imago.
Moribus innocuis, peperit quos improbatura,
Gaudet, & illustres depradecat indolis artes,
Explerique nequit mentem fervetque tuendo
Herens luminibus fixis & pectore totò.
Vocibus altisonis quàm TE comitatur euntem
Aonidum populus? Facibus, quæis DIVE coruscas,
Lati dirigimur, data jussa capessere nobis
Fas est, exclamat juvenum generosa caterva,
Vndique visendi studio studiosa juventus
Circumfusa ruit: Pars stant ad limina templi,
Incessusque stupent VESTROS, & lumine lætò
Pallia Sidoniò spectant rutilantia succò.
Certant officio cuncti, simul ore precantur
Fausa fremuntque piò. Ferit aurea sidera plausus.
Quas nostri Juvenes ostentant, adspice, pompas?
Et quæ pulchra TIBI læti spectacula præbent?
Quà graderis, documenta vides & pignora cultus,
Artificumque manus varias operumque laborem
Miraris. Vulgare nihil nunc conspicias. Altis
Stant fulcra trabibus porta. Fastigia fulgent
Pyramidum, nomenque TVVM complectitur aurum
Arte laboratum. Picturis lumina pascis.
Palladia variò signantur carmine pompa
Calatoque nitent multoque volumina textò
Argento, Vestras & deponuntur ad aras.
Quæ pubes aliis longè disjungitur oris
Advalat ad sedes nostras velut agmine factò
Spectatura TVOS vultus, sub Numine Vestro
Palladii mansura chori pars chara. Cornucos
Heroum soboles venit visura triumphos,
Et nunc sacrat ovans imbelles artibus annos
Dulcibus, ac figit Phœbeis oscula sceptris,
Præsidis irradiant divæ quæ PRINCIPIS artes,
Ipsa licet Proavum succedat fascibus hæres.
Ecquis Thespiadas tantò RECTORE sorores
Respuat? aut quando studiis meliora patebunt
Secula? quando scholis major sperabitur auctus?
Agglomeratur & hic Patrum venerabilis ordo:
Et Patrum sublime caput, quò justior alter
Nec pietate fuit, BECHMANNVS tollit in altum
Devotas palmas, & fundens ore loquelas
Ambrosiò sacras TIBI felix impetrat ostrum.

Cer-

Cernimus effusos reliquos in publica Patres
 Vota. Suis illi rebus sperare salutem
 Audent, TEque Ducevi lati comitantur ovantem.
 Totus nunc Helicon cantu fidibusque movetur
 Et mugit circum, quòd per consortia vadas
 Musarum medius. Plaudit Tritonia Pallas.
 Omnibus exhausta Musæ jam casibus adstant
 Arrectaque sibi sperata levamina spondent:
 O que TE nobis, clamant, tam fausta tulerunt
 Secula? Qui tanti talem genuere Parentes?
 TE si fata Ducevi servant, si vesceris aurâ,
 Efferus haud ullus placidas nos opprimet ausus:
 Nectareisque suis perfundunt undique lymphis
 Templum, magnificas TIBI quod committit habenas,
 Et TVA perpetuis inscribunt nomina fastis.
 Currunt Castalia rivis majoribus unda.
 Mutatis in vina vadis effunditur amnis
 Sala, jugum montis jaçantius æthera pulsat.
 Hos & ego lauros, hæc, DVX, suspendo trophæa,
 Quòd devota meum pertentent gaudia pectus,
 Presumamque meis melius considerare rebus.
 Gaudia tanta cient cunctis TVA blandula dicta
 Virtutumque cohors, & spes moderaminis æqui.
 Gloria se tollet quantis Academica rebus?
 Illaque quos altos apices TE Præsidi lambet?
 O Lux Saxonix, spes ô fidissima Musæ!
 Quæ loqueris, cedunt studiis solatia pressis,
 Quæ facies, Musis promittunt otia fessis
 Nostrorumque dabunt finem facientque laborum:
 Nam nunc nos propius respicis, Cellissime PRINCEPS,
 Jungeris & propius nobis. Sed carmine laudes
 Commemorare TVAS aggressum copia turbat
 Ingens, nec patitur certo procedere passu.
 Effusò rosèò circum loca lumine lustras:
 Fascibus haud ea vis nec tantò fulgure splendent
 Assyriò pulchrè radiantes murice palle,
 Ast immensa cohors virtutum. Fascibus ipsis
 Affundis prælustre jubar. Reverentia per TE
 Magnificis crescit sceptris ostroque superbo.
 Ac veluti, nitido si quis spatietur in horto,
 Spectat disparibus nascentia germina formis,
 Et dubitat, cupidò num primùm pollice carpat
 Crinitas per colla rosas, num lilia frangat
 Quæ violant candore nivem vel odoribus Hyblam,
 Num molles sumat violas, num fera comantem,
 Narcissum, florem num hunc delibet an illum?
 Sic quoque sollicitant animum tot numina recti
 Tot dotes VESTRI speciosi corporis ampla,
 Suspensamque tenent, nec, quò se vertat, habentem.
 Adnitar tamen, & devinctus carmine rudi
 Summa TVÆ laudis saltem fastigia stringam.
 Hic Divæ vinxere choros, omnesque receptæ
 Virtutes varios Tecum cinguntur in usus,
 Quæis renitere decet, Tyrio qui murice fulget,
 Numinis & nutu templisque scholisque tuendis
 Præsidet ac totas flectit moderamine gentes.
 Pro templis Pietas ac thure calentibus aris
 Corde TIVO sancto fruitur. Malè sceptra gubernat,
 Quem non ista regit. Radians Prudentia centum
 Luminibus, longis aliàs venerabilis annis,

In primo tenera splendet flore juventa,
 Hac premit, & certo laxas effundit habenas
 Fœdere. Vis animi nescit succumbere moli
 Ignea purpurea. Curarum volveris astu,
 Et mentem celerem nunc huc, nunc dividis illuc,
 In partesque rapis varias (mirabile dictu.)
 Pectus Apollineo tenerum TV percitus æstro
 Ora rigas ipsis Musarum dulcibus undis,
 Artibus & servas animum mentemque benignam.
 Enitet ex vultu Gravitas præcelsa corusco,
 Illa vagos inbibet nutus, ac obtegit annos
 Majestate suâ pardos, & ludicra pellit
 Verba: Feras mentes & cæcas temperat iras.
 Que non seditio, que non vesania vulgi
 TE visò lenita cadat? sua corda feroces
 Ausaque deponunt: Virunt moderatius ipsi
 Effrænes. Visum TE barbarus impetus borret.
 Incessu Gravitas illustrior emicat illa
 Et TV A Majestas. Pergis veherisque caballo
 Magnanimo, qui frana ferox spumantia mordet.
 In templum sublimis abis comitante coronâ
 Patrum: TE juvenum stipat devota caterva,
 Sceptraque præradiant & tincta murice lana.
 Talem vix Latium vidit, cum victor ab hoste
 Mœnia Cæsar ovans patria Romana subiret,
 Scanderet aut gravibus Consul Capitolia pompis.
 Qualis, cum Lyciam suctam Xantique fluentia
 Linqvit & immotam Delum perlustrat Apollo,
 Atque choros letos exercet per juga Cynthi,
 Fert humero pharetram, comites supereminet omnes,
 Argentoque nitet. Talis, DVX MAGNE, moveris
 Per medios Phœbo gradiens baud segnior ipso.
 Omnibus ex aliis splendet pulcherrimus unus
 Os humerosque Deo similis. TV lumine fulges
 Anni purpureo teneri, roseoque coruscas
 Ore. TV IS suaves oculis afflavit honores,
 Atque dedit nitidos artus candore nivali,
 Absolvoitque suos in TE natura labores.
 Quale manus addunt ebori decus, aut ubi flavo
 Argentum Pariusve lapis circumdatur aurò.
 Dum TE conspicimus clarum tot dotibus omnes,
 Dum TV A virtutum tantarum sidera lucent
 DVX JOAN GVILIELME Deum celsissima proles,
 Credimus, æternis quod nos invisat Olympus
 Ignibus, æthereaque petant declivia flammæ
 Et repetant humiles cœlestia Numina terras.
 Certè, sceptriferis prognatum nobile germen
 Patribus! has fecit dotes sublimis origo.
 Sic vivis, ceu natus eras. Hac dona dedere
 Saxonica præclara TIBI cunabula gentis.
 Sic Wittikindi Regis TV roborâ mentis
 Teutonico præstas populo. Stat celsa remidens
 Gloria majorum, quorum TV nomina gestas
 Jucundâ copulâ. Vultu spectantur in ipso
 Natales, veterumque decus prælustre Piorum
 Saxonidum, curias justas qui templa scholasque
 Ut servent, duros alacres subiere labores.



PVRPVRAM ACADEMICAM
SERENISSIMO PRINCIPI
AC DOMINO

D N. ANNI
W MO,
DVCI SA IACI, CLIVIAE
AC MONTI IO THVRINGIAE,
MARCHIO INCIPALI DIGNI-
TATE CO ERGAE, COMITI
MARC BVRGI, DYNA-
S INII, &c.
PRIN MINO SVO
SSIMO,
D A MENTE
VR
SVBI EVINCTISSIMVS
IO it / Prof. P. Ordin.
ACH. NISI.

